

21 November, 2013

রক্তপাত ও যন্ত্রণা ছাড়াই জয়েন্ট রিপ্লেসমেন্টের অস্ত্রোপচার

কলম প্রতিনিধি: রক্তপাত ও যন্ত্রণা ছাড়াই জয়েন্ট রিপ্লেসমেন্টের অস্ত্রোপচার সম্ভব। বুধবার বেল ভিউ হাসপাতালের চিকিৎসক সন্তোষ কুমার রায়ের নেতৃত্বে এই অস্ত্রোপচারটি করা হয়। পূর্বভারতে এই প্রথম বেল ভিউ হাসপাতালে লাইভ সার্জারিটি করা হয়। এ দিন হাসপাতালে অস্ত্রোপচারের পর চিকিৎসক সন্তোষ কুমার রায় জানিয়েছেন, 'কম্পিউটার এসিস্টেন্ড ও টোটাল নি আর্থ্রোপ্লাস্টিক' পদ্ধতির সাহায্যে এই অস্ত্রোপচারটি করা হয়। এই পদ্ধতির সাহায্যে চিকিৎসার মাধ্যমে রোগীর কোনও প্রকারের রক্তক্ষরণ হয় না। পূর্ব ভারতে এই পদ্ধতির সাহায্যে বেল ভিউতে এই প্রথম চিকিৎসা করা হল। এই জয়েন্ট রিপ্লেসমেন্টের সাহায্যে রোগী মাত্র দু থেকে তিন দিনের মধ্যে সুস্থ হয়ে উঠতে পারে। অস্ত্রোপচারের সময় বেশি কাটা ছেঁড়া করা হয় না, রোগীর রক্তক্ষরণও কম হয়। এ দিন হাসপাতালে এই পদ্ধতির সাহায্যে তিনটি অস্ত্রোপচার করা হয়েছে। এই পদ্ধতির সাহায্যে অস্ত্রোপচারের খরচও অনেকটাই কম।